

摘星樓治痘全書

卷十二

卷十二

治痘經歷



予因擁貂裘數十年向長安射策不如意筆毛敝矣
墨髓乾矣時不得已翻從治痘中爲遊戲世界計如
昔人良相良醫之說又非其心也嗟夫旣知長安人
愛小兒業已學秦越人入長安作小兒醫治痘其薄
技也聊以竟擁裘長安之志無非以藥餌刀匕當筆
墨云摘星樓主人朱一麟題

摘星樓治痘全書卷之十二

治痘經歷

一汪姓男子。十八歲。夜半叩門而迎視。標三日。而點
尚未大露也。但見其舌如豆渣。白爛遍滿。唇面白。間
有紅處。皆如湯火炮狀。予曰。此心經毒擁。兼之脾土
已壞。故標之少見。非真少也。必毒內蝕。而外形不大
露耳。不能治。且期不能九日。果驗。何以故。舌胎如豆
渣。不得作敖氏舌辨。舌白猶帶表症。解亦不得作舌
白洩於舌黃。舌黑解。舌乃心苗。心先自壞。故如豆渣。



潰爛之狀耳。此可作內壞觀。

一本家義男女四歲。標自面至身。尚稀疎。紅而嫩。以
其稀疎也。疑可治。後至七日。滿面抓破。竟不治。思之
痘雖紅活。却嬌艷。而頂平脚濶。此中定空虛。血似有
餘氣不足也。服補劑不能腫灌。何望其生。醫者每逢
小兒錯症。大抵類此。更訊其抓破之故。渠母云。臭牛
肉所冲。亦見觸犯宜禁。

一汪姓童子十四歲。痘醫皆愕然。因其神昏譫語。且
不能進藥與食。父母哀求。予令扶起在椅上坐。頭及

四肢皆傾踣不支。如軟疲狀。喚不醒。灌不八。父母號呼。睜目。卽閉。醫不知何症。予急以玉鎖匙吹之。喉雖少通。越宿愈軟。扶之則倒。予速以薑湯煎蘓葉灌之。各嗽一二聲。猶然前狀。予知其冒風透直中州。故迷而不醒。竟與膽星、白附子、蘓梗、荊芥、防風、枳殼、陳皮、牙皂吐痰一二升而愈。亦因其面部稀少。且笑綻毒。尙輕也。吐其痰則風自去。此祛邪扶正之法也。

一族中三四兒齊痘。點粒面部稀。身上亦不甚稠。但兒或面部皮薄。或兩臉焦暗。或地角水色太盛。或手

足間如水珠。後皆至八九日。抓破正面。手足微微痒。塌而逝。予思此皆皮薄漿清症。雖先有微火。後服保元湯。反泄瀉。作寒作熱。到底內外虛症自見。何以救治。醫者每因稀疎。卽以全愈許之。皆未經歷此症耳。慎之。

一族子五歲痘。至九日。予視之。見面部尚朗。頂亦不平。脚亦不紫。舌無胎。唇不甚枯。醫曰。時已至矣。痘無漿矣。况面不腫而瘦。安望生意。予促進保元湯。人參。日約三四錢。延至十五日後。面部四肢皆灌滿漿。併

毒亦不發。問何以故。予曰。正面尚未抓破。此氣血俱完。固而胸背四肢。又無灰暗倒靨。服補劑自愈。何危之有。

一洪姓孤寒子。二十歲痘。面部則白色挨簇。似無生意。熟視之。四肢遍身則稀疏突綻。頂白根紅。予以爲生意全在。身上先清火。至六日。卽以保元湯進之。何也。因面部白稠而身痘不紅紫。兼之唇舌皆潤。故放膽用補法。至九十日。則神昏譫語。遺尿數次。父母哭謂危矣。予曰。此補少也。仍堅用大料參芪而愈。何故。

服補而聲亮。卽遺尿。正見虛耳。更見漿水大長。何懼焉。

一新娶男子二十歲痘。腰痛甚不支。醫以面部痘。白色挨簇。當此新婚之時。分明腎虛而苦腰疼也。急煎杜仲、鎖陽等補劑。候予服之。予視之。面部雖白。而眼則紅。腰間微見紅斑。決不可補。急以犀角、生地、丹皮、加升麻、芍藥一服。乃腰痛如捐去。卽刻而向予謝曰。此劑救我矣。何其藥到病除。一至此也。詢故。予曰。卽以斑治。何論新婚。後亦清補間施而愈。

一曹溪小兒七歲痘。十日予視之。則面部抓破。有向流血。身上則完全也。但聲啞眼紅耳。主人亦長於治痘。予詢其藥。荅曰。服犀角一兩六七錢矣。餘藥可知。予初意以爲清劑可止。主人堅執。仍服犀角等藥。予不得不聽之。正以此兒胃強能食。雖聲啞眼紅。清之猶可。主人詢生死。予曰。此大有生機。延至十八日。可以安枕。主人堅執。猶用犀角四五錢。痘雖收較。畢竟至十七日作泄。主人方信。予住清藥。予思此清而太過之故也。此兒雖生。亦倖耳。

一唐姓乳下兒。痘如白飯。全無根窠紅暈。予曰。此血乾氣虛痘也。縱稀疎用養血藥。不應而逝。畢竟白色枯澁。不能領一線血而至。此原是死症。若面痘稀疎。畧有精彩。身上痘猶帶紅暈。尚可生也。

曾見一汪姓女。十三四歲。白痘獨身上。痘尙彩。予友楊生治之而愈。亦以痘少神正。且能食用補劑而生者也。

一汪姓小兒痘。予便視之。十日期也。見面額上平潤。實有漿。雖兩顴抓破。尙結薄皮。予爲補之可生。乃他

醫與楊友掬。過用寒涼。逼毒內攻。下午忽煩燥聲啞。而明早亡何也。宜補而清。過用黃連。則聲啞焉得不亡。大都此等症。畢竟是水泡。遍身破碎。元氣盡泄。復以寒涼逼之。不亡何待。如身上痘完固。雖多日大補。未有不生者也。

一汪姓十歲小童痘。予至。則六日晚也。視之。正額焦枯。兩顴薄靨。有倒塌勢。前醫盡用清藥。更以大黃。元明粉下過。主人正疑補瀉無從。請予決。予曰。自利不能食。爲裡虛。外痘不起發。不紅綻。爲表虛。表裡俱虛。

不補何待。雖然清過而補恐難收功。主人首肯。任予補之。漸見背上黑鬢。人以爲補症。何黑意黑乃火也。不知先賢曾載虛亦致黑之說。特人目力不及耳。不信。則此痘何故用參芪二三兩。薑桂佐之。至十二朝臨逝。猶然無聲息。不煩燥。而一刻命終。

一趙姓宦家孕婦。二十五歲胎已五月。忽痘此家神明視予迎至。則點尚未盛。至四五日。背上痘如蛇皮。畧無空地。乳以下至小腹。亦如蛇皮。若翁若夫。皆決不治。予細察之。正額面部併頸至胸堂。皆粒粒圓綻。

紅白分明。不得已。啓手臂。脚腿。視之。喜其如面與身。樣。許之治。治至七八日。忽然牙。戛不已。神昏。不知人事。但被其羞。餘作赤露。每日任其飲水。一小桶。如黃連解毒湯。浩飲。亦不計其數也。火熱大作。時屆五月。天氣。譴妄不安。予令土填地版上。鋪席在土上。置之。卧。而兩邊仍以桶盛水。逼之以涼氣。夜則昇之就床。如此調理。至十八日愈矣。此症治至九日。覺漿滯不行。予用涼劑多。更以獨味麻黃一兩。加入其漿。條至妙哉。此法。屢用而奏神功者也。十八日別囑其夫曰。

欲保胎。當服養氣血藥數劑。且懈。後四十餘日。胎墮。婦命亦無殞也。遇此等症。後補斷不可少。故記之。
一義男子二歲。痘甚少。而點則太壯。其顏色枯白。而滯暗。大不紅活。卽以鹿角膠、芎歸養血藥。治一二日。隨以保元湯繼之。延至十五日。已收較落。痂視之。其疤枯白無神。兩腿發毒。膝上下腫。灌出膿。視其膿眼。如猪黑眼珠。深有五六分。後延月餘。黑眼竟不改色。時時戰慄。面晷無血色。見者皆驚。雖服十全大補湯。加附子。而戰慄如故。四十日竟亡。大都痘白無神。且



枯且暗。此氣血衰敗也。難保一二。

一汪姓孤子二十餘痘。標雖滿布。實肥綻活相。且堅實。其寡祖母母氏以孀苦囑予。予曰無恙。因此子標前曾害痘瘡未愈。治之以先清後補。而面漿已充。惟胸背手足至十二日微起水泡。急用補劑扶助。手足之漿終不能充。據方書云。氣過則泡。宜以利水淡滲藥加石榴皮治之。何以反補氣。予思此痘畢竟元氣不足。虛火有餘。故沖擊而爲泡。此正氣過則泡之常理也。後竟發毒而愈。愈後予勸用敗毒散。有撓之者。



不果以致又患血淋且痛澁難溺亦以疳瘡舊患故也醫用八正散不愈三生飲子猶然乃有通醫云用當歸一兩牛膝三錢而一夕似撤詳牛膝藥性原治血淋之妙品也主之以當歸蓋血有所歸而淋豈不止痘後淋袁菊泉以爲沁沙紅是矣

一族子六歲熱二日初報點頭卽傾倒視之點無大形影渠父母皆曰此子決不得生予許一七而生之爲其面色清淡無神的是氣虛不振故不出也用麻黃重劑一服隨卽用薑葱酒搗胡荽擦之此二月天

時也被覆而坐之火上。至黃昏卽用人參補之夜半叩其門。便見朗朗然報出矣。更成尖圓之點。予曰。補到底可收功。如法服參兩餘而效。正以其擦後所見雖稀綻。瘡色不紅實。故以補收功。

一貧家幼女。標雖不甚密。而頭面至身亦盡露矣。服養血解表藥數劑。至七八日。覺遍身灰暗中有破裂者。宜補而貧不能措手。教飲糯米粥。更每日沽酒飲之。得灌膿而愈。此藥補不如食補。在貧家猶宜。一貧家小女痘。乃血虛中帶熱之症也。促之服藥。不